



ANGGOTA polis membawa mayat bayi yang dijumpai di dalam tong sampah di lorong berhampiran Jalan Dato Onn Jaafar, Ipoh semalam.

Metro 6/1/13 MS2

# Kejam! Kejam! Kejam!

■ Mayat bayi disumbat dalam beg dibuang dalam tong sampah

Oleh MOHD JAMILUL ANBIA MD DENIN  
metroperak@yahoo.com.my  
Ipoh

Sungguh zalim apabila seorang bayi perempuan baru dilahirkan ditemui mati dalam tong sampah yang dipenuhi longgokan sisa tulang ayam, malam kelmarin.

Dalam kejadian jam 7 malam, bayi perempuan

terbabit disumbat ke dalam beg berwarna biru sebelum dicampakkan di belakang sebuah restoran makanan segera di Jalan Onn Jaafar, di sini.

Lebih mengerikan apabila mayat bayi terbabit yang masih berdarah dan bertali pusat turut dimasukkan ke dalam beg itu bersama urinya.

Sumber polis berkata, bayi perempuan itu yang dipercayai baru dilahirkan dalam tempoh beberapa jam ditemui seorang pengutip sampah yang mencari barangan terpakai di kawasan itu.

Menurutnya, pengutip sampah yang mengais tong sampah milik Majlis Bandaraya Ipoh (MBI) itu dikatakan

menemui beg itu sebelum membukanya.

"Bagaimanapun, dia terkejut sebelum menjerit ketakutan dan berlari dari lokasi mayat bayi itu ditemui. Tindakan lelaki itu menarik perhatian orang ramai yang menghubungi polis.

"Anggota polis forensik yang bergegas ke lokasi kejadian kemudian menemui mayat bayi berlumuran darah itu di dalam tong sampah," katanya.

Bagaimanapun, polis belum dalam memastikan sama ada bayi itu mati akibat dibuang ke dalam tong sampah atau ketika dia dilahirkan.

"Ini kes pertama membatikan bayi dibuang di bandar raya ini tahun ini. Polis menghantar mayat bayi itu ke Hospital Raja Permaisuri Bainun (HRPB), di sini, untuk bedah siasat.

"Setakat ini polis belum dapat mengenal pasti bangsa bayi itu. Orang ramai ada maklumat diminta menghubungi Balai Polis Ipoh di talian 05-2451500 untuk bantu siasatan," katanya.



BUNGKUSAN yang mengandungi mayat bayi yang dijumpai di dalam tong sampah.

### FAKTA

Bayi perempuan itu yang dipercayai baru dilahirkan beberapa jam sebelum ditemui pengutip sampah